



## ქალაქ ფოთის მუნიციპალიტეტის საკრებულო



### განკარგულება № 4/27

2022წლის 19 იანვარი

#### ქალაქი ფოთი

სახელმწიფო აუდიტის სამსახურის მიერ 2022 წელს დამტკიცებული მუნიციპალიტეტებში განხორციელებული ინფრასტრუქტურული პროექტების საზედამხედველო საქმიანობის შესაბამისობის აუდიტისა და მუნიციპალიტეტების მიერ დაფუძნებული რეგიონული განვითარების ასოციაციების საქმიანობის ეფექტიანობის აუდიტის ანგარიშების შესახებ

ქალაქ ფოთის მუნიციპალიტეტის საკრებულო აღნიშნავს, რომ საქართველოს სახელმწიფო აუდიტის სამსახურმა 2022 წლის 28 მარტის N002159/18 წერილით, საკრებულოს წარმოუდგინა საქართველოს სახელმწიფო აუდიტის სამსახურის მიერ 2022 წელს დამტკიცებული მუნიციპალიტეტებში განხორციელებული ინფრასტრუქტურული პროექტების საზედამხედველო საქმიანობის შესაბამისობის აუდიტისა და მუნიციპალიტეტების მიერ დაფუძნებული რეგიონული განვითარების ასოციაციების საქმიანობის ეფექტიანობის აუდიტის ანგარიშები.

საქართველოს ორგანული კანონის „ადგილობრივი თვითმმართველობის კოდექსის“ 140-ე მუხლის პირველი პუნქტის შესაბამისად, მუნიციპალიტეტის ორგანოების საქმიანობის სახელმწიფო აუდიტს „სახელმწიფო აუდიტის სამსახურის შესახებ“ საქართველოს ორგანული კანონით დადგენილი უფლებამოსილების ფარგლებში ახორციელებს სახელმწიფო აუდიტის სამსახური.

საქართველოს ორგანული კანონის „ადგილობრივი თვითმმართველობის კოდექსის“ 24-ე მუხლის პირველი პუნქტის „გ.ა“ ქვეპუნქტის შესაბამისად, მუნიციპალიტეტის საკრებულოს უფლებამოსილებას განეკუთვნება მუნიციპალიტეტის აღმასრულებელი ორგანოებისა და ამ ორგანოების თანამდებობის პირების საქმიანობის კონტროლი. ამავე, კოდექსის 50-ე მუხლის თანახმად, მერია უზრუნველყოფს მუნიციპალიტეტის საკრებულოს დავალებების შესრულებას.

ამდენად, საქართველოს სახელმწიფო აუდიტის სამსახურის ანგარიშის შესაბამისად, ქალაქ ფოთის მუნიციპალიტეტის მერს, მერიას უნდა დაევალოს გაატარონ ქმედითი ღონისძიებები აუდიტის ანგარიშში აღნიშნულ რეკომენდაციებთან დაკავშირებით.

#### აღნიშნულიდან გამომდინარე:

##### მუხლი 1.

- ცნობად იქნას მიღებული საქართველოს სახელმწიფო აუდიტის სამსახურის მიერ 2022 წელს დამტკიცებული მუნიციპალიტეტებში განხორციელებული ინფრასტრუქტურული პროექტების საზედამხედველო საქმიანობის შესაბამისობის აუდიტისა და მუნიციპალიტეტების მიერ დაფუძნებული რეგიონული განვითარების ასოციაციების საქმიანობის ეფექტიანობის აუდიტის ანგარიშები თანახმად დანართისა.

2. ქალაქ ფოთის მუნიციპალიტეტის მერმა, მერიამ გაატაროს ქმედითი ღონისძიებები აუდიტის ანგარიშებში აღნიშნულ რეკომენდაციებთან დაკავშირებით.
3. ქალაქ ფოთის მუნიციპალიტეტის მერმა, მერიამ პერიოდულად საკრებულოს წარუდგინოს ინფორმაცია გატარებული ღონისძიების შესახებ.
4. განკარგულების შესრულებაზე კონტროლი დაევალოს საფინანსო-საბიუჯეტო კომისიას.

**მუხლი 2.**

საქართველოს ზოგადი ადმინისტრაციული კოდექსის 52-ე მუხლის მე-2 ნაწილისა და საქართველოს ადმინისტრაციული საპროცესო კოდექსის 22-ე მუხლის მე-3 ნაწილის, „ადგილობრივი თვითმმართველობის კოდექსის” საქართველოს ორგანული კანონის 62-ე მუხლის პირველი პუნქტის შესაბამისად, აღნიშნული განკარგულება შეიძლება გაასაჩივროს დაინტერესებულმა მხარემ ფოთის საქალაქო სასამართლოში (მისამართი: ქალაქ ფოთის მუნიციპალიტეტი, დავით აღმაშენებლის ქუჩა №3).

**მუხლი 3.**

განკარგულება ძალაშია 2022 წლის 19 აპრილიდან.

საკრებულოს თავმჯდომარე

ალექსანდრე ტყებუჩავა

